

गौसाई जागो जुग माई,  
आसन्न अधर बिराजे,  
मेहर करो थे मोटा ठाकर,  
तो सेवकों ने स्याम निवाजे ॥

आदू धाम कड़ेल थरपना,  
दरगां धणी बिराजे,  
झुंझालो जीवों रो ठाकुर,  
उठे प्रजा नीवे जुग पूजे ॥

ध्वलीगढ़ गिरवरो गढ़ ऊपर,  
उठे पाट कलश पुरीजे,  
पूजा चढ़े पिछ्छम रा राजा,  
उठे नूर कला बरतीजे ॥

नूर थापना मंडी बिराजे,  
उठे डूंगर डम्बर छाजे,  
इंद्र बरिया सरवर भरिया,  
उठे गहरो सावण गाजे ॥

चाम बढ़ाई उठे तीजी आई,  
उठे सन्त आय दर्शन दीजे,  
छोड़ पिराणी उठ पाये लागा,

वचन गुरां रे भेहीजे ॥

गिरभाकर रेणायत पाया,  
उठे वचन सन्तों रे भेहीजे,  
धौला बैल धणी रे लेखे,  
उठे धुरला ध्यान धरीजे ॥

आतो खेती खूब हैं थोरे,  
राम भजन रट लीजे,  
हरि भजन से होवे निस्तारा,  
तो भूत पलीत भागीजे ॥

नर नारी वचनों रा साँचा,  
सुकरत करणी कीजे,  
एक पलक हतारक भाया उठे,  
मन्छ्या रा माणक निपजीजे ॥

खरा अतीत खरा कर लीजे,  
पाँव न पाछ्छा दीजे,  
पणधारी पण राख हमार,  
उठे अड़कर परीक्षा लीजे ॥

सोवनी सकत उठे हुई सगाई,  
उठे घोड़ा झीण मंडीजे,  
सुर तेंतीसों उठे होया सारथी,  
उठे हल हल कार हालीजे ॥

जागो धणी जुगोजुग जागो,  
अर नव खण्ड नोबत बाजे,  
भागो देंत धणी रे पावर से,  
उठे धरा अम्बर सब धूजै ॥

धणी रा हाथ होया सिर ऊपर,  
जणा अगम निगम सब सूजे,  
तीन लोक में ताली लागी,  
उठे पारख विरला बूजे ॥

अनंत सिद्धा रे शरणे आया,  
और सिर पर हाथ धरीजे,  
हरि शरणे भाटी हरजी बोले,  
भाने री लाज राखीजे ॥

गौसाई जागो जुग माई,  
आसन्न अधर बिराजे,  
मेहर करो थे मोटा ठाकर,  
तो सेवकों ने स्याम निवाजे ॥

गायक ओमसा पल्ली ।  
प्रेषक रामेश्वर लाल पँवार ।  
आकाशवाणी सिंगर ।  
9785126052

Source: <https://www.bharattemples.com/gosai-jago-jug-maai-aasan-adhar-viraje/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>